

太上三洞神呪卷之八

列八

太上三洞神呪卷之八

列八

禮讓驅治諸呪

火鈴存鍊呪

青華玉帝神霄真王扶桑日帝西極月皇四
真三炁結碧朗光鎮布三田內外青黃夕吞
日服上昇金光日月內運丹宮碧房噓出玉
體吸入瓊堂鬼妖自除三尺滅亡三九得七
面禮真王

神霄真王修鍊金光虛皇玉帝煥發九芒結
爲火鈴中包元精元炁之本金火天丁一念

所致神即化形收入丹元與道合真內圓萬
象外伏羣靈邪魔鬼魅畏伏奔驚金光火雲
常罩吾身急急如律令

神霄玉清降命火鈴賜我玉帥金火天丁金
生火旺交鍊元神內保形體外伏魔靈鬼精
畏伏出語驚人急急如律令

召火鈴呪

南極火鈴金火天丁速離巽宮來降離門疾
降真靈以心爲將以炁爲神吾今混合結化
成形納之成丹吐之成神天地合德日月藏

輝火急下降與吾合真急急如律令

火鈴呪

火燄飛光玉女雷霆猛火將軍太微降火大
將推擲火車飛火前奔火輪萬乘火獸千羣
火鳥火馬火布乾坤炎火帝君雷火真人火

山大將風火元君太陰真火日精炎君南極
火鈴金火天丁各仗火劍統禦火兵火晶大
聖火鈴大神速燒邪鬼永不存形絳絡緋綵
赫赫陽光速降真火攝

又

火官火帝火鈴神飛駕火車乘火輪火鈴大
將宋無忌南方火德天門神天雷大將劉忠
攝火焰連天日月昏地雷大將李用之收攝
萬鬼作坑焚火雷大將周文慶四大神洲建
火城風雷大將朱永安真火飛來攝邪精金
列八
睛騰蛇千萬丈吐火萬里燒鬼神朱鳳銜火
九天來飛逐邪精無處存邪精邪崇疾速去
不去祛來火裏焚急急如律令

天罡呪

天帝釋章佩帶天罡五方凶惡之鬼何不消

亡飛仙一吸萬鬼伏藏唵吽吽吽唵唵唵唵唵
訶

日君呪

日魂朱景照韜綠映回霞赤童玄炎標象奔
風鬱儀赤光炳煥唵鬱吽噶哩真人元暉唵
縛吽囉吽唵唵唵訶

月君呪

月魄變蕭芬艷翳寒死延靈蘭鬱華結翹淳
金清瑩炁容素標唵唵唵唵唵唵唵唵唵唵
明囉唵囉娑娑娑薩訶

三十六字天罡呪

唵 嚩 嚩 嚩 嚩 嚩 嚩 嚩 嚩 嚩 嚩 嚩 嚩 嚩 嚩
訶 唎 嚩 吒 唎 單 吒 吽 吽 吒 吽 嚩 嚩 嚩 嚩 嚩
煞 攝

玄壇勅符呪

列八

三

公明公明毋負誓盟聞吾呼召疾速降臨玄
壇大將北極之精龍虎逆象誅滅兇獍破廟
燒神八王統兵禱雨祈晴轟雷掣電立召立
應報應分明天師有敕火急奉行急急如律
令

治寒病呪

火鈴火山神燒鬼化為塵風病從風散炁病
炁除根瘟疫諸毒害寒熱速離身疾痛從此
散男女保安寧急急如律令
退熱呪

九江水帝四瀆源公滿天降雪遍地嚴霜朔
風似箭電霰如傾退散邪熱保救安寧雪山
萬仞冰煞邪精急急如律令

會雷呪

渾沌無象一氣化生開朗天地雷霆運行嗒

甯大梵興嘆嘒嘒亭陰陽交際咄明啣歎俱呶
嘒哪啞味俱嗔呼吸咩咩咩咩咩咩咩咩咩
啞嗚吹啣咩咩咩咩咩咩咩咩咩咩咩咩咩
啞嘒嘒明持誦一遍雷霆降臨急急如律令
洞玄遣將呪

吾以清爲本以正爲威使鬼神擎拳隨侍令
風雲聚散如期一呼一吸體天地之樞機舉
措奉行稟元皇之節制以致三天之上九地
之下一如律令咸聽指揮劉天君等上天之
精惟汝最靈遣汝上天速赴帝庭遣汝入地

直至泉扃遣汝入水速至龍庭遣汝布雷電
真炁運雷霆遣汝捉精怪速縛來現形吾稟
天命按令奉行有罪當戮無罪不征乾元亨
利貞日月與吾并敕召鐵面將疾速現真形
請勿為小節自抵負真盟吾今斗口立竦汝

列八

四

早回程捷疾

排難解紛呪

天靈天靈鬱羅達明排紛解難樞府大神掃
除兇惡守衛元真急急如律令

又

物稟一炁神化無方雷霆窟宅掃蕩不祥急

急如律令

天靈天火鈴威光呪

流金火鈴元始之精中佐北極上侍玉清威

靈第一頭戴七星口吐火焰萬里光明青靈

勅下與救群生德合天地威震雷霆氣衝宇

宙陰伏陽生前排六甲後擁天丁擎雲掣電

飛走火鈴擒捉陰霾破斬邪精霹靂大震天

地肅清玉清令下火急奉行急急如律令

總攝呪

都天雷神三界之尊威動上帝誅斬兇群天
上地下地府幽冥降伏妖怪誅攝地神三界
奉命敢有不遵五雷猛吏霹靂風奔魔王束
首鬼妖刑身護持分野救度人民天真奉命
地祇舉申急急如律令

下令呪

列八

五

歛火大仙自巽度乾摧山倒嶽覆地翻天萬
神齊諾呼聖召賢敢有魔魅奉命不虔誅以
黃鉞斬以鑿天帝敕在手永鎮吾權一擲不
到遞接相傳二擲不到逢赦不原三擲不到

永滅風煙令下急如星火三界毋得稽延將
吏急急到壇爲吾明彰報應

開關呪

太極之始雲篆太虛三炁成符元始玉書天
闕掌關諸帝諸君承符奉命奏入帝廷罡風
九醜火速潛形敢有干試風火無停一如帝
命火速傳承

消災呪

北斗七真統御萬靈東西南北保命前行日
中大象共照群生掃妖氛不侵雲漢茂天地

無物不生救人間扶衰度厄化邪魅悉皈正
真掌山嶽天地交合益四海混同不分固根
炁育養精神敕龍虎追攝鬼神皈元保命統
攝生靈宣行寶籙萬聖衛軒隨願應口道合
自然急急如律令

布斗呪

魁罡至聖復至神我今飛步登陽明天旋地
轉步七星躡罡履斗齊九齡衆神輔我謁帝
庭一切官將衛我形萬災不干我長生我得
長生亨利貞

總召靈官呪

靈官性急威勝那吒三頭九目變現通靈分
形變化一體三身鼻流黑霧罩定乾坤聞吾
召請速離天門驅邪捉祟遠近搜尋山魑精
怪捉縛來呈速臨附體通吐姓名若有違令

列八

六

押赴北庭

封山呪

南方火德祖炎帝丙丁神三頭分九目九臂
見金身金眼霞光迸雷音火電生剪邪皈正
道遇召現真形收攝邪魔崇急捉降乾門急

急如律令

建火罩攝邪呪

日之光火之祖結鐵爲柯網爲罟紅燄炎炎

四方皆舉上徹青霄下連地戶東至木源西

至金祖南至朱陵北至豐都中至十二地上

鬼不得下外鬼不得入內鬼不得出蓬頭將

黃頭將牢頭將藥叉將火輪將五方捉鬼將

左右急捉將斬頭滴血將急捉攝急急如律

令

都天雷公呪

都天雷公祛雷飲虹天符到處不得停蹤救
時荒旱猛吏威雄敢有亂性天令不容急急
如律令

捉附呪

天蓬天罡助吾紀綱丙丁三炁口吐火光與

列八

七

吾捉崇莫令停藏捉來劍劈焚腦除漿收三
魂附童體急急如律令

火獄呪

炎精炎精朱雀飛騰神筆一下上接丙丁烈
焰神女手把帝鈴三昧真火速降朱陵三台

助力使者降靈火輪神將宋無忌速持火輪
燒鬼滅形急急如律令

又卷四

謹請丹天火犀院元帥紅霞丙丁神金頭鐵
炎大火輪神王烈焰女子神王赤腦紅霞使
者大威德陽精使者朱雀神君使者滅風赤
羅使者急降真火燒殺邪精金輪風急火天
通徹內有三身飛騰赫奕不燒正神只燒鬼
賊燒鬼為灰鍊鬼為汁一切邪神聞吾火燒
化為粉碎急急如律令

靈官治邪呪

正一大將金磚火瓢總領吏兵劍戟槍刀下
遊山嶽上徹雲霄白蛇顯跡啗食鬼妖通魘
百鬼斬斷根苗吾步星斗鬼哭神號收捉惡
鬼盡付功曹急急如律令

火鈴治邪呪

謹請熒惑星君火鈴將火鈴神火鈴童子火
鈴兵火鈴大將宋無忌驅火雷撼火鈴攝丙
丁騰火雲上下八方罩定邪神內無出外無
入敢有違者炎火爲塵急急如律令

八極首流金火鈴召呪
上清三境總炁上元八景冥合衆神侍軒中
有大將輔佐太玄統攝天兵八萬四千神變
莫敵威鎮玄天聞今召請速至壇前急急如
律令

捉縛呪

列八

上清有命令我排兵罡神受敕佐天行刑追
問鬼賊立便通名唵吽吽唎聚神急攝

醒魂呪

開通天庭使人長生三魂七魄回神反嬰滅

鬼却魔來至千靈上昇太上與日合并三魂
居左七魄守右靜聽神命亦察不祥邪魔速
去身命安康急急如律令

淨穢呪

玄天正炁黃老之精吐水萬丈蕩滌妖氛三
魂守衛七魄安寧形神俱妙與道合真

召馬靈官呪

南方之精其名丙丁一體三身九目九睛身
披金甲足履火輪聞吾關召來合我身除邪
滅崇救護生靈急急如律令

金城呪

金磚大力神聞召降真靈口吐三昧火金磚
燁燁明一片化千片四面結金城炎炎火焰
逼火焰煨鬼神元始上帝敕妖魅化為塵渣
咧也啡咧耶

服雷炁呪

列八

九

吾受雷公真炁電母威聲以除身中萬病百
姓同得以治形令吾得使五行之將六甲之
兵斬斷百邪祛滅萬精急急如律令

召溫帥呪

天炁蕩蕩地炁明明化身東嶽主管鬼兵大
賜威力猛展神靈依吾教命速降符中奉上
帝敕速召太保某統領追攝疾

召合罡咒

天爲我覆地爲我藏北斗七星爲我衣裳爲
我者太陽不爲我者滅亡吾身藏於豁落九
真之內流火之鄉兵不得侵刃不得傷鬼神
不得見災禍不得殃吾身到處天大吉昌

烏暘燒邪咒

烏暘汝吸鐵南方赤鳳血一吸入符中神愁

鬼腦裂真人南方來龍虎交牙吼陽光燒陰
鬼鬼神何處走真光起太陽地火起離方雷
火艮上發燒滅諸不祥急急如律令

烏賜符呪

火鈴火令南方統兵精兵十萬各變真形丙
丁居左白虎右迎丙丁神丙丁將丙丁力士
丙丁童子丙丁吏兵丙丁將軍並降真炁入
吾符中救護生靈急急如律令

烏賜治病符呪

日出東方赫赫揚揚扶桑湧水萬里精光南

方真炁驅却不祥轟天霹靂白刃如霜離中
陰鬼坎位真陽星辰元位北斗天罡俱入脾
胃搜入肝腸驅除百鬼流通膀胱所祝者聖
所願者昌所祈者應所患者康邪魔外道攝
赴魁罡急急如律令

住頭痛呪

列八

十

五雷五雷皂纛神雷頭痛小鬼收攝奉行北
帝欽輪普靈神攝嚼啼啞噓攝吒神墜地地
墜神吒太上延生台光爽靈辟除陰鬼斷絕
邪精靈源不竭壽考長寧陰逐七魄陽有三

魂邪炁不入真炁長存依吾教旨上奉三清
急急如律令

呪扇治病呪

太上扇子清扇散百邪精吾今纔一扇病患
立安寧急急如律令

烏陽火城呪

赤帝火王圍中明煌刀劍如雨斬鬼火王符
至立至急攝无疆謹請南方火德熒惑星君
火鈴將軍火鈴神將火鈴童子火鈴吏兵火
輪火車將軍驅雷光撼火鈴攝丙丁駕火雲

上下八方都罩定邪鬼出者化為塵急急如律令

敕劍呪

吾是洞中太一君頭戴七星步四靈手執龍
刀震上立歷巽巡離直至坤兌戶遊行至乾
亥遙望天門謁帝君坎子恒山頂上過直下

列八

十一

良宮封鬼門敢有不順吾道者驅來劍下化
為塵急急如律令

驅邪呪

南方丹天君流金大火鈴半天橫五嶽翻海
震乾坤周遊六合內統領利天兵聞吾呼召

至急速莫稽停收斬兇神并惡鬼速捉將來
赴火城急急如律令

都天大雷火呪

唵吽敕起九天都火令炎帝之精流金聖
者火鴉神兵擲火萬里掃蕩妖氛焚燒鬼賊
風發離宮通天火索黑焰黑風飛火赫奕大
神應冲吾行火法各執帝鍾撼動三界妖魔
滅蹤謹請南方火德熒惑星君部領先天真
火百萬火衆火星童子腥煙使者鐵面神王
三五將軍驅逐火輪火車火龍火馬火弓火

箭上奉玉清真王長生朱陵大帝敕風火鳴
條燒天烈地九江滾沸四海翻濤烹江煮海
煨鍊蒸炮火焚灰滅山魑木客古恠妖精蜚
屍故炁五酉夫人獵射三界不正妖魔五猖
邪巫鬼恠氣候瘟神遇丙丁之火急走千里
巽風霹靂萬鬼滅形化爲微塵急急如律令

布營隱身呪

東方起木城南方起火城西方起金城北方
起水城中央起土城各各統領兵吏分布五
方安營立寨駐劄擁護隱吾日宮藏隱我月

宮藏隱身都法王水火瘟疫鬼神諸難我身
隱入大聖諸宮殿唵擁身擁身護身護身羅
刹夜叉救攝訶火輪火輪速蓋吾身火輪火
輪速藏吾身火輪火輪速變吾身

救水呪

列八

清淨之水日月華開中存北斗內映三台神
水一嚙散禍消災急急如律令

救身呪

謹救病身五藏六府九宮七政十二神室四
肢筋骨皮膚血脈九竅營衛一百八十靈關

三百六十骨節八萬四千毛孔左三魂右七
魄三部八景二十四神從今退敕之後汝爲
太上之子玄皇之孫頭戴朱鳳足履玄武左
御青龍右踞白虎朱雀導前持幡幢玄武隨
後負鍾鼓青龍扶迎白虎侍從即令患身心
不受邪肝不受病肺不受姦腎不受昏脾不
受怖胃不受穢一身清淨萬邪不干吏兵導
引五神侍側隨水奉行

敕房呪

次敕病房之中一敕東方木枯折二巽南方

午火滅三巽西方金石裂四巽北方海水竭
五巽中央土摧缺巽人人長生巽鬼鬼絕滅
千邪萬恠隨水消滅急急如律令

絕瘟呪

五方之精五土之神四季遊蕩寒熱赤青吾

列八

十三

奉帝敕斬汝身形汝須速去不得有停風雷
哮吼劒戟如林艷都錄籍北府傳名急急如
律令

天道斷地道斷人道斷鬼道斷天道塞地道
塞人道塞鬼道塞天關把頭地軸把尾尾合

一頭永滅斷絕急急如律令

五雷總攝呪

天帝敕命總召雷神上通无極下攝幽冥陰
陽交合運動魁罡赫奕威殺霹靂震驚三界
奉令日月璇璣霧靄騰騰江海翻鳴吾召將
帥火急降臨來壇聽令誅斬邪精山魃魑魅
化作微塵移山傾嶽元亨利貞火輪神將不
得稽停符命到處火急奉行急急如律令

召功曹呪

玄曹玉文立功之官主持玉清奏告三天上

帝有勅速見神光急急如律令

金火天丁召呪

南極火鈴金火天丁速離巽宮來降離門烘
烜赫烙疾降真靈以心為將以炁為神吾今
混合結化成形納之成丹吐之成神天地合
德日月藏輝火急下降與吾合真急急如律
令

金火天丁呪

雷火真君天信之神統領火部金火天丁火
兵火吏猛火隨身鳴鍾擊鼓飛走火鈴雷火

閃爍風火飛騰照敗邪鬼無路逃形焚燒絕
滅化作微塵急急如律令
雷火真君金火天丁吾今召汝速降真形邪
魔外道毒龍妖精悉皆攝捉赴火輪燒滅
為灰萬劫无生急急如律令

列八

十四

崔向二使召呪

青靈青靈火鈴將軍汝受吾權吾召汝形手
執火耀光射三清神劍所指降雷飛霆火車
萬乘遍滿乾坤何神不伏魑魅滅亡風火捷
疾速降壇場急急如律令

天丁催生呪二

南昌黃華玉眸煉身十月滿足骨骼已成好
生使者韓君丈人司命司錄衛房聖神九天
持符監真度生符下五臟急離母身急急如
律令

妙火鈴真監生上穹執符把籙好生韓公五
帝破魂三台錄封七元助魄神元輔宗尸鬼
逼合本欲鬼窮保持人命殺却邪蹤神符覆
護冰光玉容急急如律令

化形呪

天蓬大將北帝神君巡遊三界普救生靈誅
斬邪鬼粉碎微塵急急如律令

淨身呪

吾以月洗身以日鍊真仙人輔我玉女佐形
二十八宿隨吾指陳左有六甲右有六丁前
有雷電後有風雲千邪萬穢逐氣而清急急
如律令

列八

十五

淨口呪

天蓬天蓬持劍當曾奉命北帝有大神通令
吾淨口慎勿穢冲大道驅使六甲六丁傾山

塞海晝夜不停急急如律令

淨天地呪

天地開朗四方為裳玄水蕩滌辟除不祥雙
童把門七靈守房靈精謹鍊萬炁混剛內外
貞利福祿延長急急如律令

變神呪

靈寶降敕變我身神代天行令役使雷霆都
督三界節制萬靈吾今變相速降真形急急
如律令

護衛呪

青龍在吾左白虎在吾右朱雀在吾前玄武
在吾後黃龍鎮吾肺七星在吾手吾在玉座
中太乙爲吾耦吾今召集天神地祇本壇諸
司將吏並在吾前後左右四維上下護佐吾
身兇神惡鬼只聞吾聲不見吾形如有干犯
押入鄴營依律定罪急急如律令

七白呪

一白入貪狼二白巨門傍三白祿存位四白
文曲當五白廉貞內六白武曲鄉七白破軍
下三鬼同入藏惟有五星并五影玉皇有命

佩天罡上台護吾身中台護吾命下台殺萬
鬼急急如律令

召火犀呪

上帝敕召朱彥來臨雷聲左震電光右隨鼻
湧黑霧充塞乾坤呼風哨雨鬼噉神驚天罡

列八

十六

大神化現真形手執鐵棒拷打陽鬼黑虎奔
渺足躡風雲旋乾定巽天地暗昏凶惡立滅
何鬼敢存有違法令罪罰非輕急急如律令

五雷呪

天雷隱隱神雷轟轟龍雷大作水雷翻波社

令雷火霹靂縱橫神威一發斬滅邪精上帝
敕下火急奉行

火罩呪

日之源火之祖朱陵火府之精火鈴神火輪
神火神罩鬼神結為網罩攝邪精火罩八方
空世界火燄騰騰化鐵羅火官火君火帝火
神不問高下為禍鬼神一切罩下搜討邪精
吾行火罩上徹青雲無極天下至風輪法界
東徹木源國西止金祖天南止朱陵府北止
大羅天上有鬼神不得下下有鬼神不得上

內有鬼神不得出外有鬼神不得入何神不
在吾罩中何神不在吾洞中謹請火罩大神
徐忠江巨趙玉翟寧稟吾敕令聽吾號令火
急奉行疾

黑罩呪

列八

十七

四天閉塞八面黑雲上徹天河黑澤下至九
壘重陰黑風霹靂黑霧奔騰黑羅黑網黑索
黑輪黑雷黑電黑炁黑雲吾行黑罩罩定鬼
冤邪愁崇慘鬼哭神唵謹召天蓬主兵都元
帥玄武壬癸大將軍大黑天神苟留吉黑霧

大神畢宗速靈官陰雷神馬宗才不動尊王
宋文卿七級使者鐵冠使者北帝吏兵黑戈
黑甲黑馬黑兵黑雲蔽日黑炁混凝跨黑龍
騎黑虎麾黑旗擊黑鼓鳴黑鑼揚黑土運形
變化逞威靈無論高下選甚家親金仙古佛
滅跡除形爲妖典祀寸斬無停掀磚擲瓦飛
石揚塵山摧海竭火滅地平悉皆收捉無處
逃形明明人道黑黑鬼門大道昌盛仙道興
隆魔道滅影鬼道無蹤視之不見聽之不聞
千程黑暗萬里昏沉天黑地黑黃河黑天地

山河漆墨黑廣布普天廣大罩爲吾罩下鬼
神寬急急提兵周八極生擒活捉赴壇庭吾
奉紫微大帝敕普天罩大黑罩攝

火軸袞鬼呪

上帝有令降付雷霆朱陵火府炎炎威光騰
空三界烏黑誅殃燒精鍊魄焚滅邪殃周流
六合太乙運罡火罩速下鐵罩高張逐邪附
體通說顯彰如違律令罪檢條章嘑唵啼喏
吁嚶喝急急如律令

追鬼火鴉呪

火鴉神將火鈴將軍南方使者赤鴉將軍飛
符走騎赤驥飛炎黑赤大宰揮劍流星冲天
破地邪鬼無潛錐邪滅殃速供情因元亨釋
喇九醜口嗔急急如律令

顫鬼咒

列八

十八

皇天敕令巽戶行風鬼著形滅神著消蹤與
吾戰鬼姓名速通急急如律令

醒寃咒

清清靈靈壬癸朝真三寃歸體七鬼安寧台
光爽靈幽精速附童體急急如律令

攝邪雷公呪

都天大雷公霹靂震虛空精兵三十萬煞炁
遍乾坤揚沙飛走石掣電破群兇鐵面掃妖
孽狼牙啗疫瘟黑天雷鼓震萬里絕無蹤號
令傳天敕炎散空洞中上至魁罡界下至九

泉宮都天雷火救永為清淨風急急如律令

祈雨七轉呪

一轉六神出二轉四煞興三轉魁罡動四轉

黑雲湧五轉霹靂震轟六轉雷雨解七轉收攝

虹霓旱魃攔截風雨不正鬼神攝赴五雷之



下受死滅形急急如律令

太上三洞神呪卷之八



